

qui una griparia, carga de doge, partita da Constantinopoli a dì 22 del passato, con la qual habiamo lettere de dito, di lo signor turchi, se aspetava in Constantinopoli; et alcuni hanno opinion invernà in Andernopoli. Con la qual griparia sono venuti homeni 23, de quelli sono stà incarzerati insieme con li merchadanti, como subditi de' venitiani; e tutti questi sono poveri homeni artesani, cui calegeri, cui sartori, cui taverneri; li quali me hanno dito, vene uno olacho, con comandamento che ditti poveri homeni fosseno relassati e mandati via *statim* con lo primo passazo. E cussi fo fato. Fonò trati de carzere, e menati ligati, e messi su questa griparia, ritenuti quelli pochi beni havevano. Dicono ancora, como zonse uno olacho, con comandamento che si dovesse far vender tute le merze de colori sono incarzerati, et el trato sia messo in caxuar del signor, zoè quelle merze se possono guastar, como formento, vino *et similia*. Poi el terzo zorno vene un altro olacho, con comandamento che ditte merze debiano farle vender diti merchadanti a' loro comessi; el trato se debia meter in deposito, boladi per l'ormino e per ditti comessi; e cussi hè stà fato. Li quali homeni sono, cui de Modon, cui de Candia, cui de Coron, cui de Corfù. Li merchadanti sono ancora come erano, senza altra novità; et lo torziman, hanno mandato a la porta, non hè ancor ritornato; *tamen* se ha bona opinion de loro liberaciom, che prego Dio ge la concieda. El qual signor turchi ha fato comandamento, de far fabricar galie 20 grosse, a la forma de quele de' venitiani, et galie 100 sotil in Mar Mazor e altri lochi consueti. Ha lassato in custodia de li vaselli de l'armada, romase a Nepanto, lo biglarbei de la Grecia e Camali. In Constantinopoli e Pera ha mandato comandamento se debiano scriver quanti i trovano latini, greci et zudei, che sono stati subditi de' venitiani, anchor che siano maridati de li da anni 5 in qua. Non se sa la causa; alcuni ha scritto, che vol li talli debiano spazar el so paexe, senza la moier e fiole. Ancora vien scritto, come Schander bassà, el qual era in le parte de Friul, per movesta fata per ongari, hè andato in Hongaria, dove è stà preso e morto in una zufa hauta con ongari; *tamen* non è certo.

48\* *Del ditto consolo, di 5 dezembrio, in Sio, sottoscrita, mutato il nome, Francesco d'Avanzo, da Venexia.* Da novo habiamò, per lettere de Galipoli, de 21 del passato, lo signor turchi, el qual ha dimorato zorni assai in Scopia, adesso hè andato per invernà in Filipopuli, chi hè signal che 'l sente qual cossa de Hongaria; avisandovi, che questo loco di

*I Diarii di M. SANUTO. — Tom. III.*

Philopopuli hè loco molto fresco, dove sol andar li signori la instade per star al fresco; et che costui vada adesso per invernà de li, hè signal, como dico di sopra. Et *maxime*, che se conferma la morte de Schander bassà, con tuti herano con lui andati a la preda. Da' ongari fono morti da 12 milia, secondo dicono turchi, ma se tien siano molto più; nel qual loco de Galipoli se dice pubblicamente, che re di Franza ha conquistato tuta la Italia. Non hè chi non romagnano sbigotiti. Non cessano li olachi, zioè corrieri, ogni dì andar suxo e zoso ad ricogliè maestri marangoni, li quali tutti mandano in Grecia, ne le parte de la Vallona et Nepanto; avisandove che novamente uno armino hè venuto, qual hè merchadante da le parte de Usun Cassan, et mi ha dito che, in fina in quelli paexi, se dice di questo conquisto; ma non dicono esser re di Franza, ma la rezina che ha conquistato Granata, sì che non fo mai tempo sì apto a questo bisogno, como adesso; che prego Idio aspiri di tuti christiani ad favorir e confortar ditto re a questo conquisto, che spero in Dio non se haverà salvo le spalle. Avisando, che su la Grecia sono caxe 400 milia de' christiani, che pagano carazo al turchi; li qual non desiderano altro, salvo veder tal vista, per voltarse contra de' turchi. Che missier Domenedio doni la gracia sua a la cristianità questa volta *etc.*

*A di 23 fevrer, in colegio.*

Do exatori a li governadori, in luogo di sier Piero Contarini e sier ... Minio che compienò:

Sier Francesco da Mosto, fo a la doana di mar, *quondam* sier Andrea.

Sier Tomà Donado, fo cao di 40, *quondam* sier Nicolò.

*Exator ai X officij.*

Sier Alvixe Soranzo, fo exator, *quondam* sier Remisi.

*A di 24 fevrer.* In colegio fono fati do exatori 49 ai diexe officij, sier Francesco da Mosto, fo a la doana di mar, *quondam* sier Andrea; et sier Tomà Donado, fo consolo di merchadanti, fo de sier Nicolò.

*Di le cosse di Milan.* Se intese, zercha 1500 sguzari, erano con il signor Lodovico, esser andati da missier Zuan Giacomo Triulzi, et che il cardinal Ascanio era a Milan, dimandava danari a' citadini, et era stà retenuto Bergonzio Botta, per haver danari. El signor Lodovico era a Pavia, e le zente sue nel barco,